

冷

廬

醫

話

冷廬醫話卷二

桐鄉 陸以湑 定圃氏著

古人

京師先醫廟始於明嘉靖間

按元貞元間建三皇廟內祀三皇並歷代名醫十餘

人至是始定爲先醫廟

本朝因之中奉伏羲左神農右黃帝均南面句芒風后東位西向祝融力牧西位東向東廡儼貸季天師岐伯伯高少師太乙雷公伊尹倉公淳于意華陀皇甫謐巢元方藥王韋慈藏錢乙劉完素李杲皆西向西廡鬼臾區俞跗少俞桐君馬師皇神應王扁鵲張機王叔和抱

冷廬醫話

卷二

古人

一

朴子葛洪真人孫思邈啟元子王冰朱肱張元素朱彥修皆東向以北爲上歲以春冬仲月上甲遣官致祭按韋慈藏名訊道唐人施藥濟世因有藥王之稱今世俗之祀藥王者塑像爲卉服而以王爲皇未知出何典故渤海秦越人受桑君之秘術遂洞明醫道以其與軒轅時三馬相類乃號之爲扁鵲又家於盧國乃命之曰盧醫世或以一篇爲二人繆矣語見楊元操集注難經序凡成名醫必有傳授之師如孫思邈之師黃古潭許景行有寶之師金夢石此皆青出於藍而師之名轉賴之以爲漢張仲景稱醫中之聖其師爲張伯祖自非

仲景誰復知有張伯祖哉

請爲

然

張仲景醫中之聖也華元化醫中之仙也二人同時范氏祇爲元之作傳烏得稱良史乎

明代以醫名而爲顯官名列史傳者有二人曰許紳曰王綸許官尙書因醫而始顯者也王官巡撫旣顯而猶

醫者也然許能拯世宗於已絕

事見明史而野獲編今言所載較詳野獲編云

嘉靖壬寅年上寢於端妃所宮婢楊金英等相結行弑用繩繫上翻布塞上曰以數人踞上腹絞之已垂絕矣幸諸婢不諳結之法繩股緩不收戶外聞略略聲孝烈皇后率眾人解之今言云西苑宮人之變聖躬甚危紳用桃仁紅花大黃諸下血藥辰時進之未時忽作聲去紫血數升申時遂能言又三四劑平氣活血聖躬遂

安次年紳以用藥驚憂病死而不能自療其驚悸明史紳得疾曰曩者官變吾自分不效必殺身因此驚悸王所在治疾無不立效而不能自非藥石所能療也續名醫類案節齋得心腹疾訪峨眉道者知服藥之誤治之道者問公於服餌有生用氣血之物焙製未徹者乎曰有之常服補陰丸數十年矣中用龜甲酒炙而入之曰是矣宜亟歸節齋遽投檄歸至吳閭下赤色小龜醫豈易爲哉無數而卒

元史方伎傳醫家僅列李東垣言其學於傷寒癰疽眼目爲尤長而不及脾胃載治驗有六皆不詳其所用之藥史例大率如此然而略矣

道士知醫最著名者有崔紫虛僧則有深師荆山浮圖師慎柔和尚宦官則有羅大無知悌婦女則有胡宗仁

之母徐氏妻李氏醫任死生之重而通性命之微固無人不當學也特非盡人所能學耳

上古俞跗治病能割皮解肌洧洗腸胃漱滌五臟華元化猶傳其術史所稱刳破腹背抽割積聚是也華以後能之者無聞焉雖有弟子吳普樊阿不盡其奧豈神奇之術非其人勿傳歟

續名醫類案卷三十奇疾門錢國賓案注云錢塘人萬歷時人有壽世堂醫案四十則多奇疾乃刻本由杭太史堇甫處借得凡三十二字 閣本無魏氏家藏本有奇疾門錢論肉行一症可補瘟疫諸書之缺云癸亥冬

山海天行時疫病者頭痛發熱惡心口渴神昏欲寐四肢不舉其肉推之則一堆平之則如故醫有作傷寒者有作時氣者投以發散藥無不加重死者數百時督師閣部孫及贊畫各傷一僕至乙丑春錢之關門謁太師談次問及曰此症天行時疫名肉行人肉屬土土燥則崩土濕則流其邪感於血脈肌肉不比傷寒所治古今醫集不載止於官邸便方見此異症一款因人血枯而感天時不正之氣當大補血用首烏枸杞歸地等味少加芍藥風藥足以應病矣若經發散立死無疑又治足跟腫上頭聲如言診脈五部皆和獨腎部大舉之始見

足走頭腎主骨腎虛則體  
空空則卑所以骨響以六味丸加紫河車膏虎骨膏豬  
髓枸杞杜仲服之愈又治兩膊紅十數條頭粗尾尖腹  
大長尺許闊寸許曰此青蛇異氣不急治蛇形入腹而  
死或生大小腿如頭向上故入腹亦死以鍼挑破頭尾  
使其不走流出惡血又研明雄黃唾調塗患處內服清  
涼敗毒散而愈防風荆芥白芷羌活黃芩黃連金銀花槐子甘草當歸生地各一錢觀此  
則錢亦當時名手而今罕有知之者不有續名醫類案  
不幾湮沒無傳乎

古今醫案類按云高果哉先生乃王金壇之高弟準繩



序中所謂嘉善高生隱士也余童時習聞父老傳誦其治病如神著有醫林廣見及雜症二書未曾刊印得之者珍如拱璧又有醫案數卷立方頗多奇巧然險峻亦難輕試略選數條以存吾邑文獻其卷七一條云魏子一患嘴脣乾燥白服麥冬一兩生地四錢元參二錢五味一錢甘草六分烏梅三個雖有小效而病根不去高云此症宜用神水其法以鉛鎔化散澆於地成薄片取起翦作長條數塊以一頭鑽眼懸弔於鍋鍋內置燒酒燒酒之上仰張一盆與鉛片相近鍋下燃火使酒沸而氣上沖於鉛片鉛片上有水滴下盆內謂之神水取服

之以此水從下而上能升腎中之水救上之乾燥也按  
本草綱目所載神水指五月五日午時竹竿中雨水其  
主治亦異此可以補方書之缺特錄之

今人

吾里張雲寰先生

李瀛桐鄉縣人

醫學深邃求治者門常如市

余表兄周

士黻

夏日身熱不退脈虛自汗醫用清暑藥

不效先生診之曰口不渴舌少胎且神氣虛弱乃大虛  
症也再服清暑藥脫矣投以八珍大補之劑獲愈其子  
鐵葫上舍 禾 亦精醫理診病瞻識絕人有鄉農病喘十  
餘日服藥不效登門求治令服小青龍湯鄉農有難色

張曰服此藥二劑仍不得臥者余甘任其咎鄉農去家  
人訝其失言張曰彼喘而延至十餘日不死非實症不  
能又何疑焉閱數日鄉農復來則病果瘳矣

臨海洪茶園孝廉

補封

精醫理嘗言古方書如傷寒金

匱今方書如臨證指南誠能專心玩索診疾自能奏功台  
郡少良醫由於昧所適從僅讀藥性賦湯頭歌括及醫  
宗必讀等書耳其治病每以古方獲效文參軍之于患  
暑症初微惡寒後壯熱汗出噁氣腹痛口乾渴面腫頭  
痛大小便少醫用葛根湯梗製半夏薄荷佩蘭赤苓通

原方紅豆湯等藥漸瘳

心補

景園診之謂脈大舌

黃是白虎湯症也。一劑。改用鮮石斛黃連  
生甘草金銀花瓜蒌實等味而痊。張明經患春溫惡寒  
發熱喉爛醫用甘桔利防。一劑。味病不減。棗園投以  
黃芩湯。連服數劑。愈。此真善用古方者。

嫡兄星槎先生。少好學。以多病兼玩醫書久而精能。  
宰化縣年老罷官。貧不能歸。乃懸壺於會城順德縣縣。  
令徐某之子。夏月泄瀉。服清暑利濕藥不效。漸至發熱不  
食。神疲息微。徐年已暮。祇此一子。計無所出。延兄求治。  
兄曰。此由寒藥傷脾。陽虛欲脫。宜進溫藥以救之。因用  
附子理中湯。徐疑不敢服。兄曰。此生。死關頭。前藥已誤。

豈可再誤設此藥有疏虞我當任其咎服藥諸症俱輕連進數劑全愈徐大喜傾囊厚贈復爲乞援同寮因得全家歸里兄著有製方贅說行世

錢塘呂榛村司馬

震名

官湖北有政聲忽動歸思僑居

吳門爲人治疾多獲效潘太史

遵祁

病瘳服茵陳湯不

效服平胃散又不效腕中若藏井底泥米飲至前輒噦

呂診之曰濕固是已此寒濕宜溫之與五苓散加附子

藥下咽胸次爽然方氏子傷寒疾革議用牛黃清心丸

呂曰邪在膈上蒙心包開之是揖盜也宜急下存陰投

以犀連承氣湯一服病愈葉氏女週歲遘疾將殆仰臥

胸膈如阜呻吟拒按呂曰此結胸也服小陷胸湯立效  
呂酷好醫書徧覽百家而一以仲景爲宗嘗言仲景傷  
寒立法能從六經辨症則雖繁劇如傷寒不爲多岐所  
誤而雜症卽一以貫之其爲醫也問切精審不雜一他  
語立方必起草閱數刻始安一家有病者數人一一處  
之無倦容暇輒手自撰論闡發仲景之學著有傷寒尋  
源行於世

青浦何書田

其偉

家世能醫初爲諸生專於學工古今

體詩未嘗爲醫自其父元長先生卒念世業不可無繼  
稍稍爲之名大噪有徐姓者昏熱發狂力能踰牆屋何

曰是邪食交結也則其人果以酷暑食水燒飯旋就柳陰下臥也以大黃枳實下之而愈金澤鎮某生逾冠未婚得狂疾用牛黃清心加味法而屬其家人於煮藥時覆女子褻衣於其上兩劑而愈門人疑之何曰是陰陽易法吾用之偶驗耳嘗作醫論詩云治病與作文其道本一貫病者文之題切脈脈理現見到無游移方成貴果斷某經用某藥一味不可亂心靈則手敏法熟用益便隨症有新獲豈爲症所難不見古文家萬篇局萬變此可見其生平所得力矣

之妻不效令服  
諸名方數服即愈後以治年久  
皆效乙癸之感表氏婦雖弱惡食尸信已停八月就診  
於蘇州名醫何氏診之云是  
日六脈滑疾右寸尤甚是孕也且必得男以安胎藥與  
之閱四月果生男

烏程鈕松泉殿撰

福保

之父晴嵐封翁

芳鼎

精外科術

貧者求治不取錢且贈以藥製藥不惜重值拯治危症  
甚多殿撰尤好岐黃書在京師每爲人治愈危疾嘗治  
其同年之母高年患痢醫用芍藥湯不效轉益困篤身



熱不食殿撰詢知病前曾多食蟹診脈左弦數右數而  
弱舌胎中黑腹痛喜按力排眾議專主熱藥用熟附子  
八分炮薑一錢白芍一錢吳茱萸五分焦白朮三錢茯  
苓三錢肉桂八分炙甘草一錢砂仁五分陳皮五分生  
薑二片一劑痢稀熱減去茱萸陳皮加丁香木香二劑  
痢止改用補中益氣湯加附桂炮薑全愈殿撰有診治  
醫案一冊名曰春冰集蓋言慎也

吳江陳夢琴茂才希恕家居蘆墟其曾祖爲諸生者名  
策得外科秘方於外家潘氏始爲醫茂才幼好學有聲  
庠序間壯歲家中落母令習家學可養生兼可治生乃

從其兄省吾上舍

命會

學期年而業成生平所治疾悉

錄成爲書積三百二十二卷手撮其要爲十冊以訓子  
姪其壻沈沃之學博曰富擇取之爲婦翁陳先生治疾  
記篇長不備錄錄其尤者一人無故舌出於口寸餘他  
醫遵古方薰以巴豆煙飲以清心脾藥不效先生命取  
雞冠血塗之使人持銅鉏立其後擲於地聲大而騰病  
者愕顧而舌收矣或問其故先生曰舌爲心苗心主血  
用從其類必雞冠者清高之分精華所聚也擲鉏於地  
者驚氣先入心治其原也

以括按周眞治婦因產子舌不收以硃砂傅之令以壁

外墮瓦盆作聲而舌收此蓋從其法化出

先生治疾以至之先後爲序一日忽於眾中呼一人前問所患曰臂有微腫視之僅一小炮先生潛謂同來者曰此白刃疔試視其額端已起白色速歸矣危在須臾其人方出門面部白色漸趨口角未至家死

徐氏子年二十餘四肢不舉昏昏欲寐食後益甚莫識其症先生曰是見肘后方名曰穀勞由飽食卽臥而得以川椒乾薑焙麥芽爲丸服之

有食鴉片煙者偏體發癢痛癢交作抑搔膚脫終日昏憤語言誕妄先生曰此中毒之最者尋常解法恐不及濟用硃砂一兩與琥珀同研末用磨汁和三豆湯

進之神志頓清偏體無患而不可思議磨昆豆爲  
粉糜粘腐乃得安臥不半月愈

胡氏子咽痛氣急勺水不能下或曰風溫或曰風痰先  
生切其脈細微手足清而脾滑曰虛寒喉痺也用理中  
湯觀者皆駭相顧先生曰急服之遲將不及苟無效余  
任咎耳覆杯而平

吾邑張夢廬學博千里少工詩文長精醫術家居後珠

村就診之舟日以百計醫金所入半賙親友不置生產

惟聚書數萬卷而已時長興臧孝廉壽恭有文名張延

課諸子臧亦通醫理嘗問張曰長洲葉氏忌用柴胡吳

江徐氏譏之先生亦不輕用此味得毋爲葉說所惑曰  
非也江浙人病多挾濕輕投提劑瞑眩可必獲效猶賒  
葉氏實閱歷之言徐氏乃拘泥之說此河間所以有古  
法不可從之激論也臧曰聞先生治瘡瘍不用升藥何  
也曰升藥卽漢之五毒藥其方法見瘍醫後鄭注自來  
瘍醫皆用之然諸瘡皆屬於心心爲火藏又南人瘡瘍  
皆由濕熱若更劑以剛烈熬煉之藥弱者必痛傷其心  
氣強者必反增其熱毒此所謂不可輕用也張生平拯  
危疾甚多尤著者湖州歸某寒疝宿飲沈綿四年諸藥  
不應投一方立效三易方全愈茲錄於後初診云肝陽

鬱勃動必犯胃久則胃氣大傷全失中和之用以致肝之鬱勃者聚而爲疝胃之停蓄者聚而爲飲疝動於下則飲溢於中所以居常胃氣不振時有厥氣攻逆自下而上懊憹病瀝必嘔吐酸綠之濁飲而後中陽得通便溺漸行此所謂寒疝宿飲互爲病也病經數年宜緩以圖之若得怡情舒鬱當可全愈

茯苓三錢桂枝三分生冬朮一錢半炙甘草四分小川連三分吳茱萸泡淡三分乾薑三分製半夏一錢次枳實炒五分白芍酒炒一錢半生薑三分竹茹七分

診云寒疝宿飲盤踞於中久而不和陽明大失中和之用今腸漸通降屢次所下黑黃乾堅之矢旣多且暢則腸腑之蓄積者得以漸去腸通然後胃和此數年來病

之大轉機也蓋飲疝互擾皆在陽明下流壅塞則上流

何能受盛傳導益滿必上溢此理之易明者也今宜專

與養胃以漸漸充復其受盛傳導之職機不可失正在

此時至於痔瘻溺少皆屬陽明可一貫也

黨參三錢橘皮錢半茯苓

二錢製半夏一錢麥冬去心錢半火麻仁二錢叭杏仁

去皮尖二錢白茯苓炒去刺二錢刀豆子炒研三錢黑

芝麻三錢柿餅煨三診云病纏三四年至今秋纔得腸

半枚白杭米一服腑通潤燥矢漸下繼以溏潤然後胃脈不致上逆嘔吐

止而飲食進可見陽明之病以通為補也今深秋燥令

黨參三錢橘皮錢半茯苓

外必補愈仍宜柔養滋潤以充復

二錢製半夏一錢麥冬

糯米二錢金石斛三錢棗仁炒研二錢生

膠二錢柿餅半枚

荷葉

一角

歷代宰相通醫理者伊尹而後狄梁公陸忠宣公范文正公是已我

朝山陽汪文端公亦諳醫理其評吳鞠通溫病條辨有云溫熱濕溫爲本書兩大綱溫熱從口鼻吸受並無寒症最忌辛溫表散但當認定門徑勿與傷寒混雜再能三焦投藥辨清氣血營衛不失先後緩急之序便不致誤濕溫爲三氣雜感濁陰瀰漫有寒有熱傳變不一全要細察兼證辨明經絡臟腑氣血陰陽濕熱二氣偏多偏少方可論治又云熱症清之則愈濕症宣之則愈重



者往往宣之未愈待其化熱而後清清而後愈一爲陽病一兼陰病難易較然觀此知公學識之精矣

吾里孔行舟上舍

廣福

善醫治外感尤精嘗云噤口痢

半因誤藥而成醫者治痢輒用葛根濕熱提入陽明遂至噤逆不食變成險症急投以黃連乾薑庶克有濟余見近世治外感不辨手足六經輒用葛根柴胡溫病遇之鮮不輕者至重重者至死病家不識藥性以爲疾不可治而不知醫實殺之也可慨也夫

續名醫類案云鮑某飲年二十餘夏月至歛受熱鼻衄愈後偶啖梨遂得吐症蓋肝火而胃寒也百治無效聞

說吐字則應聲而嘔後至吳門就葉氏診以其脈沈細  
令服附子理中湯參薑附俱用三錢服後出門行及半  
里覺頭重目眩急歸寓及門而仆其尊人請藥性謂必  
中附毒亟煎甘草灌之良久乃甦後去附子仍服三劑  
吐轉甚再往診仍令服前方遂改就薛氏告以故薛用  
六君子湯服四劑無驗冬月感寒增咳纏綿至夏余偶  
訪知則病劇詢知爲向患吐近復二便秘已七八日不  
食惟渴飲茶水更醫數人或言令以艾灸臍俱不應請  
診之見其面色青悴脈弦伏而寸上溢謂此緣脾陰大  
虧木火熾盛又因久咳肺虛肝無所畏遂下乘脾而上

侮胃致成關格幸脈不數易治也宜先平其肝俾不上衝而吐止斯肺得下降而便行令以黃連肉桂各五分隔湯蒸服飲下覺吐稍止卽能食糕數塊然二便脹不可支令以大田螺一枚搗爛罨於丹田以物繫定不逾時二便俱行所下皆青色遂霍然而愈時甲戌五月二十七日也

按甲戌爲乾隆十九年葉天士卒於乾隆十九年診疾者當尋其後人若出天士手必不若

是後以六味加減入沙參冬等咳嗽亦止向後常服

養榮之劑吐不復作余按施利名醫類案魏爲校正鮑

以少陽詩魏亦和作二人之交也非比尋常蓋有由然

矣

上元葛某少孤極力勤學其父授書一卷乃越數家言其方甚秘習之以治病效如神羣小兒戲一入張口而跳歷伏門限舌斷墮地一人騎門限坐力猛腎囊破睪丸墜葛悉爲安之自朝至日中門庭如市口講手畫無倦色午後攜百錢獨游或採藥或看花或冒雨雪提酒榼訪知己當道聞名迎者沓至則詭曰葛某窮士藉醫苟活實無伎倆昨誤殺人羣聚歐之已遁矣其志趣如此尤精砭法凡病赤遊風汗不得發死者十八九宜以血代汗葛削竹夾資鋒砭之出血如珠密排而不流立愈蓋輕則皮不破重則肉傷無第二手

也咸豐癸丑三月賊陷金陵暫爲內醫官不從十四日  
既夕昇舊制兩棺於廳事出白金九錠分贈鄰里且託  
身後事遂與妻周氏縱飲沈醉整衣冠各入棺呼其兄子  
蓋而釘之時夜將半至四更聞棺中格格然蓋氣始絕  
也其友當塗馬鶴船學博壽齡爲作詩余撮其略如此  
惜不得其治驗方云

陳載庵

坤

居山陰之柯橋承其父梅峯先生燦之傳虛

心臨證屢救危殆猶復廣搜書籍研究忘倦咸豐丁巳  
春訪余於武林相見恨晚各出所藏秘笈互鈔載庵之  
長子幼時喉痛數日徧身發皰如剥皮狀病癢難堪醫

者不識載庵焦思無計忽憶唐笠山吳醫彙講中曾載  
名曰虜瘡須以蜜煎升麻拭摩若不卽療必死乃卽如  
法治之蜜隨塗隨消二晝夜用蜜數升遂愈其好學之  
獲效有如此

杭州趙芸閣泰勤求醫理洞燭病機其戚有爲醫誤治

服利濕藥以致危殆者二人趙皆拯治獲痊其一患淋  
症小便澀痛異常服五苓八正等益劇趙詢知小便澀  
濁曰敗精留塞隧道非濕熱也用虎杖散入兩頭尖韭  
根等與之小便得通而愈其一膝以下腫醫用五苓腫  
更甚趙以其腫處甚冷而面色晄白知是陽虛令服金

匱腎氣丸而愈夫南方濕病居多此二症尤多挾濕者  
茲獨不宜於利濕藥可知治病不當執一非學識之精  
者焉能無誤哉

吾邑沈吟梅州判炳榮熱精醫理官直隸時曾治一婦

年二十八因喪夫而得顛疾時發笑聲用六味地黃湯  
加犀角一錢服二劑卽痊蓋笑主心心生火心鬱則火  
愈熾而上升故以此藥交心腎使火熄而病自已也

### 古書

醫家著書每爲假託之辭以炫其功能如寶材扁鵲心  
書則以爲上天別昇張景岳公之謂也 游東藩之野

而遇異人至陳清公石室秘錄乃竟託之於岐天師雷公尤屬不經洪氏集驗方五卷宋洪景嚴遵所輯本草綱目採宋人方書甚多獨遺此書蓋失傳久矣嘉慶間吳縣黃堯圃不烈得宋刻本乃重刊之其書始傳於世黃序中謂此書刊成求序於獨學老人謂石殿撰有札示余云昨所言交感丹疑用香附太偏重因查敝處所藏方書乃是香附一箇配茯神四兩尊鈔是香附一箇竊意香附一箇無一觔重之理恐係鈔胥之誤能再查原本此固慎重起見然余卽以此方降氣湯二條證之一用半觔一用五兩是遞減用之原方一觔非誤俟未之



癖如是并附著之以質之深於醫理者一正其是非云  
余按用藥分兩有君臣佐使之不同卽如此書中從蓉  
茸附丸兔絲子六兩而沈香僅一分以視一觔四兩更  
爲輕重懸殊且瑞竹堂經驗方亦載是方香附亦用一  
觔本草綱目收入香附條下分兩悉合然則黃說是也  
蘇沈內翰良方沈存中自序有云世之爲方者稱其治  
效常喜過實千金肘后之類尤多溢言使人不復敢信  
夫千金肘后爲古方書之佳者而猶若如此況其他乎  
卽如此書中蘇合香丸至寶丹等素稱神效而統觀全  
書熱藥居多至若止吐輒紅丸之用信硫巴豆治驚辰

砂丸之用膩粉龍腦尤爲峻厲豈可輕視又小柴胡湯爲傷寒少陽症主方而此書以爲赤白痢尤效且謂痢多因伏暑此藥極解暑毒凡傷暑之人審是暑渴不問是何狀連服數次卽解是欲執此方以治一切暑渴症也不又爲聖散子之貽禍於世乎是知方書非無可取之處而不能盡善在人精心審擇以定棄取耳

朱董汲旅舍備要方 四庫全書題要云汲因客途猝病醫藥難得集經效之方百有餘道內如蚰蜒入耳及中藥毒最爲險急而所用之藥至爲簡易其雜傷五方古書中不少概見今亦罕傳尤見奇特蓋古所謂專門

禁方用之則神驗至求其理則和扁有所不能解卽此類也今錄其方以備用

治蚰蜒入耳膽礬末一匙以醋少許滴灌之須臾蟲化

爲水

解中藥毒並蟲毒悶亂吐血煩燥甘草

一兩白  
生用

礬五銖  
生

延胡索一兩右爲細末每服半錢水一盞煎至六

分去滓放冷細呷之

雜傷治火傷被火燒處急向

火灸之雖大痛強忍之少間不痛不膿

治犬馬齧及

馬骨刺傷人及馬血入舊瘡中方取灰汁熱漬瘡常令

汁器有火數易其汁勿令爛入肉三數日漬之有腫者

大石令熱熨之日二次卽止

治蛇咬不效乃將銀朱砂等分研  
就刀頭上爆令鎔下便貼咬傷處自瘥 治道塗大醉  
仆地或取涼地臥 爲蛇人人竅方見時急以手捻定  
用刀刻破尾以椒或辛物置破尾上以綿繫之少刻自  
出此蛇有逆骨慎不可以刀拔之須切記 壁鏡咬人  
立死治之方檳榔不拘多少燒灰存性先以醋淋洗後  
以醋調貼之又一方甚平易可用並錄之治跋涉風二  
或道路誤爲細塵眯目隱痛不能視物隨所眯目以手  
分開自以唾搽之卽愈

偶從友人處見張叔承三錫醫學六要眉間評語甚佳

惜不知何人手筆摘錄數條於此惟痰最易忽略鄞醫  
周公望治謝時素三十年不愈之瀉用滾痰丸三服頓  
除又治一夢遺幾死百補不愈以滾痰丸兩行之即愈  
葛可久補髓丹黃蠟與雞同用此二味不宜並食錄  
有明禁當刪去 一人嗜酒醉後服葛花即解一醫曰  
此人不久矣疏利太過也果以風痺死 吞陵一症東  
垣作寒證河間丹溪作熱論世人因有標本之說分屬  
之吾輩固當兼參然治常得芩連症用薑桂者甚少豈  
東垣之法可廢哉緣俗醫治病初多用溫散久久寒化  
爲熱未有不從熱治者耳 一娠婦小便徧數多而溺

少澁而不通余用補中益氣湯吞六味丸四錢愈盛貫  
法也次日令再服病人以不慣丸藥且謂地黃泥隔遂  
止越二日病復作必欲另一方因以清心蓮子飲與之  
一服效後視傷寒準繩知古有成法也 妊婦轉胞由  
胎壓膀胱大抵虛陷所致薛氏以補中益氣湯舉之較  
丹溪四物四君二陳煎服探吐爲穩杭醫陳月坡治鄞  
謝宜子室人一劑而通蓋清氣之陷總因濁氣不降耳  
升之則降矣降之則升矣 催生如林木飲兔腦丸通  
明乳香等法俱不足存祇一味獨參湯妙甚余第四女  
難產一晝夜服參半觔而生高鼓峯每用參耆各一兩

當歸五錢川芎三錢冬月加桂以溫之

四庫全書醫家類存目藥鏡四卷浙江巡撫採進本題

要云明蔣儀撰儀字能嘉興人正德甲戌進士其歷官

未詳是編前後無序跋惟凡例謂醫鏡之編駢車海內

今梓藥性仍以鏡名云云此書余於咸豐七年從武林

書坊得刊本四卷乃與王宇泰醫鏡四卷有儀用崇禎辛巳序文

合刻者前有儀用之弟雲章彥文氏順治丁亥序及儀

用康熙二年自序各卷首刊嘉善蔣儀纂定高醴參訂彥文之序

謂儀用負宏濟蒼生之願出入場屋見別執事鬱鬱不

得志乃無所爲有以宏濟之願者其業

醫若徧訪名醫求得  
醫鏡一書鐫傳海內  
學人奉爲指南矣然  
此書克鏡醫必先鏡  
藥歲在乙酉歲春  
爲順治之二年民之  
死於兵死於疫者  
側處北村惻然心傷  
益無意章句乃集古  
今藥性全書並諸名  
家及金沙用藥秘旨  
手自刪訂編輯綴方  
給藥全活鄉黨貧人  
又與常子馨逸互相  
考論砥琢詞章協以  
聲韻成書四卷名曰  
藥鏡又云儀用近葺  
蓬編茨驅兒輩及僮  
僕督耕隴上暇時買  
藥歸來懸壺街市神  
古今醫說研窮探味  
云以自老據此則儀  
用應試而未嘗



登第八

本朝業醫以終題要所云乃據採進本之辭耳及考嘉興府志撰述門祇有卜祖學藥鏡無儀用名當亦有誤特識於此爲吾郡徵文獻者告焉

張介石謂醫貴以六味治傷寒其言如酖葉天士謂景岳以大溫中飲治溫邪時疫言滋陰可以發汗眞醫中之賊蓋趙氏喜用六味張氏喜用參桂立言一偏遂滋流弊今二書盛行於世讀者必詳察其失而節取其長斯可矣

史載之方二卷卽直齋書錄解題所云蜀人史堪指南

方也此書世少傳本余從新城羅鏡泉學博以借得鈔本錄之洪景嚴集驗方曾記載之治婦人氣塊刺痛二方兼及其治驗蓋亦能醫之士也然其書中之方大半皆麻黃獨活附子官桂等藥其治疫毒痢之通神散用麻黃官桂甘草大芎白朮細辛獨活桔梗防風芍藥白芷牡丹皮牽牛第二方用訶子第三方用硫黃楊子建襲之改爲萬全獲命三方并襲其說如寒邪犯心水火相戰所以先發寒熱水火相犯血變於中所以以下赤痢云云孔以立痢疾論深詆之斥爲不經之說又謂不辨人體之強弱脈息之虛實擅用麻黃朮桂牽牛訶子

疏黃寶乃殺人之事其論良然

宋靈泉山初虞世古人錄驗養生必用方人間絕少咸  
豐初年杭州吳山陶氏寶書堂書坊偶得宋刊本於四  
明湖州丁寶書以錢六千購之去余友羅鏡泉亦喜搜  
奇書間之大驚急從丁君強借鈔副本余因得錄一冊  
按郡齋讀書後志謂是十六卷直齋書錄解題及宋史  
藝文志謂是三卷通志藝文略亦云三卷又有續必用  
方一卷此冊分上下三卷 聖五年宗室捐之  
重刊序文書中記傳方之人皆詳其出處行誼知  
亦有心人也卷首論爲醫一條云用藥之法先審有害

無害苟能無害是爲有利蓋湯丸一入不出人死豈可  
復生慙劫長夜永爲冤對無有免離仁者鑑此豈不勉  
旃語簡旨深可爲醫門藥石

張戴人治病專用汗吐下然則其時病者竟無虛症當  
補者乎醫術雖高不謂之偏不得也其醫業中往往不  
詳脈象此出自麻知幾輩之手不免多訛曾失實至如  
治勞嗽治虛勞治凍瘡皆以舟車丸瀝川散大下之治  
臨產病喘以涼膈散二兩四物湯二兩朴硝一兩煎令  
冷服且謂孕婦有病用朴硝八月者當忌之九月十  
月內無礙其說皆未可信

雷公扁鵲皆上古時人戰國時秦越人慕扁鵲學因秘  
扁鵲追後宋雷斅炮炙論亦稱雷公實材心書亦稱扁  
鵲炮炙論之稱雷公乃後世所傳訛心書之稱扁鵲則  
材直以之自稱從來著書家未有如此誇大者

秀水殷方叔

仲春

醫藏自錄一卷就其生平所見醫書

自上古以及近世咸載焉分爲二十面面各數十種首  
曰無上面自內經神農本草難經諸書外兼及易經洪  
範繁露蓋本孫思邈大醫須兼識陰陽卜相之意同時  
平湖陳懿典爲作序有云方叔研討方藥治病稱神旨  
履常滿然肅然環閨中不走五都不游大人而醫藏一

編網羅悉人間未覩之書議論闡古人未發之旨考嘉興府志方叔有傳在隱逸門是殆精於醫而不以醫名者方叔又能詩有安老堂集惜未得見

宋董氏璉衛濟寶書吳曉鈺得袁永之影宋定本二十二篇完善無缺視文勞同本多三之一後有續添方

乃元人所輯不知名氏方多佳者摘錄於此治毒蛇咬

先以麻繩紮傷處兩頭次用香白芷細末摻於瘡口以

多爲妙仍以新汲水調下半兩許毒氣自消

一方用熱酒調下諸

方皆用麥冬水蓋

欲先護心氣也

繫瘤法兼去鼠姦痔

出集驗方

根洗淨帶濕不得犯鐵器於木石器中搗取汁用綫一

條浸半日或一宿以綫繫瘤經宿卽落如未落再換綫  
不過兩次自落後用龍骨並訶子末敷瘡口卽合依上  
法繫鼠姦痔屢用得效蘇沈良方亦有用蜘蛛者然費  
力不如此徑捷如無根只用花泡濃水浸綫亦得趙氏  
嘗用以繫腰間一瘤不半日卽落亦不痛二聖散治咽  
喉風熱纏喉一切腫毒鴨嘴腫毒二錢白殭蠶半兩去  
其爲細末每用少許以竹管吹入喉中功效 來麝香  
治驚風癰心瘡狂亂積熱痰涎上衝破傷風搐牙關  
不開無問遠年近日並皆治之用乾圓肥好無蛀皂角  
去皮弦子搥碎用清淨酸漿水一碗在秋後月日搥

二日冬浸七日搓揉去滓澄淨用磁器內以文武火熬成膏藥相似攤以新夾紙上陰乾遇病人用時取手掌大一片用溫漿水化於磁器內將病人扶坐用竹葦筒裝藥水扶起病人頭吹入左右鼻孔內扶定良久涎出爲驗此藥治愈病人不計其數大德六年有行御史臺徹里大夫舍人一十四歲因風熱痰涎潮搐牙關緊閉不省人事二臺醫治療無門有臺掾李受卿收此妙藥依法吹入左右鼻孔內須臾痰涎出及一碗餘立甦

今書

魏玉橫先生

之琇

續名醫類案余旣借錄 閣本全部



後又假得魏氏家藏鈔本校勘一過視 閣本多所更

正前有杭太史

世駿

余太史集序文并目錄後有魏

鈇

跋海甯王孟英

士雄

潛齋醫話謂卷首無序無目殆祇

據

閣本言耳今錄跋語於此云續名醫類案六十卷

乃先君校葉汪氏名醫類案而成較篁南所輯爲尤備

是書之優劣提要序文論之詳矣余小子不敢贊一辭

書中兼援江氏例臨證諸案附見焉乾隆甲午歲恭逢

朝廷開四庫全書館父友朱先生明齋攜此冊入都亟

錄副詳校以進幸蒙

採錄此千載一時之

恩遇得以請傳不朽原本仍發還本家以爲館上指駁數條謹更正焉經進後鮑氏知不足齋擬刊未果原本爲先人手澤貽留未敢出以示人茲慎選楮毫精鈔全部詳校裝潢以冀當代大人君子布金刊板廣播藝林誠於身心有裨益又何敢爲獨得之秘耶時嘉慶丁丑冬日臨江草堂後人魏鉞盥手拜跋

張景岳偏主溫補尊而信之者不少近日攻擊之者亦復有人如葉天士殫玉構章虛谷陳脩園其最著也葉天士發揮一書尤爲深切詳盡究之景岳之重扶陽時勢適然亦以救弊學者循覽其書必當與發揮參觀斯

不爲其所誤惟發揮爲家藏之板久不印行余歷年搜訪至丁巳歲始於吳門購得一部惜力綿未能重刊廣傳也

如皋顧小瀾學博金壽少擅才藻壯歲貢入成均屢困

秋試年四十南歸兼鐸遂絕意功名專精醫理每遇宿

學名師不惜虛懷就正求其精微治一證必刻意精思

寢食俱廢方定卒起沈疴晚歲棄官家於吳門求治病

者踵相接門弟子彙錄方案因選擇百條付梓

道光乙酉秋鐫

名曰吳門治驗錄其治病每用人所不恆用之藥而奏

捷效婦女解鬱調經則以合歡皮煎湯代水婦女反胃

痰飲則用東壁土臍白螺螄殼入黑鹽湯連土陰乾研  
末入藥蓋黑鹽湯入腎陰中至陰善通水通取其引火  
下行最爲神速但氣味過臊胃虛者格格不入白螺螄  
能於水土中潛行成道且可化陽明鬱痰通厥陰鬱火  
又得東壁土拌而陰乾既無氣味更得殊功又治痰迷  
心竅忽於數日所讀之書皆不記憶用茯神五錢遠志  
肉錢半製半夏錢半陳皮一錢九節菖蒲五分陳膽星  
五分珍珠母三錢生甘草五分以惜字爐灰一甕煎湯  
代水煎服獲效去膽星加生益智仁一錢醋煨靈磁石  
三錢一服全愈蓋養營開竅化痰特以字紙灰作引復

冷廬醫話

卷二 今書

美

加益智啟聰明磁石交心腎醫以意會亦由善思而後得之也

吳縣薛瘦吟

補

能詩精醫理流寓秀水之王江涇著有

瘦吟醫賢附錄詩十數首其自書吟稿後云離家十載感

華顛一檢奚囊一黯然未必書坊有陳起江湖詩好定

誰憐語殊清婉吳江李顯若

王猷

聞湖詩續鈔謂瘦吟

治疾疏方雄談驚座惟執於用古持論雖透澈而服其

藥者往往不效以故門可羅雀釜或生塵年七十餘窮

困以終然觀醫賢所言非盡不合時者如云今之生

疾皆溫熱病也若太陽之麻桂青

一

一

又云香溫病先驗舌之燥潤以渴不渴爲要訣又云醫  
瘧多難其治在肺重者人參白虎或竹葉石膏加厚朴  
輕者杏仁滑石薤仁絲瓜葉蘆根米仁之屬濕瘧多寒  
其治在脾宜蒼桂朮藟或消暑丸之屬又云吾吳前輩  
吳正功只教人看醫方集解徐炳南晚年案頭只兩本  
廣筆記青蒲吳元常以臨證指南爲枕中秘角里牛年  
亭於已任編亦然可見心得處不在多也然無心得者  
不得以此藉口欲求心得正非多讀古書不可蓋不博  
亦斷不能約也此皆可爲醫學津梁而其治病乃如此

俗所謂行醫須運氣者殆非誣歟

醫贅所列單方有絕勝者錄之以廣其傳鮮鮮合歡皮  
兩許煎服治雞盲頗效

吐咽瓦松炙存性等分研細和入製過蘆甘石內敷爛  
弦風眼極有神功

鳳尾草根

背有金星又名金星草

洗去泥打爛同雞子清研和如

膏入麝香少許後敷臍上一日一換小便卽長退水腫  
甚速不動臟腑信良方也

疥瘡每日煎鮮首烏一兩川草薺五錢服一二十劑重  
者二三十劑無不效

小兒小水不通脹急欲死囟圖蓮房一隻煎服卽通鮮者尤妙

金蟾化管丸水銀三錢雄黃一兩大蟾一隻銀硝一兩

明礬一兩先以水銀雄黃用火酒二觔漸煮漸添酒盡爲度其末用紙包好取大蟾去腸留肝肺以藥納入縫好另銀硝明礬研末入陽城罐加水半茶鐘加火上熬乾於底放地上入蟾於內升文火二枝中火一枝武火一枝候開看刮下靈藥用蟾酥汁爲衣如芥子大凡管用一丸放管口外蓋膏藥自入至底雖灣曲處能到嫩管自化老管自退七日見效如不全退再用一丸無不



除根

老馬蘭頭飽喫可治內癰

鼓證濕邪入絡居多消滯利水徒傷氣分焉能奏績方

用新絳錢半 璫瑯蟲二錢 延胡索錢半 絲瓜絡一枚 淡

木瓜錢半 川通草一錢 路路通十枚 生米仁八錢 陳香

櫟皮半隻 乾佛手三片 川鬱金一錢 遠志八分 卽此數

味出入加減自能奏捷至消滯莫如紅麴雞內金達下

莫如車前子降氣莫如蘇子川貝又瘦吟自載醫案云

嘗治一微而積虛痰喘用金水六君加熟附細辛五味

黃耆仁漿二錢 燈生半更生薑二粉爲衣終劑而

十餘年之病如矢後治數人並效如神

程氏鍾齡醫學心悟篇幅雖隘其方頗有佳者余戚李

氏婦患噎症絕粒諸藥不效醫告技窮奄奄待斃余檢

此書啟膈散令煎湯服之

北沙參三錢丹參三錢川貝二錢決明子錢半砂仁殼五分

廣鬱金五分荷蒂二箇杵頭糠五分四劑而能納食去鬱金加襲皮一錢

服四劑復加味調理全愈

南海何西池

夢瑤

醫編余徧求之蘇杭書坊不可得丁

巳冬日從嚴兼三借錄一部西池少負才名舉士惠公

稱為南海名珠生平篤嗜醫學成進士為宰官不得志

乃歸田行醫所著醫編七卷刊於乾隆十六年自序有

云或曰方今景岳全書盛行桂附之烈等於岷岡子作  
焦頭爛額客數矣人咸謂子非醫病實醫醫是書出其  
時醫之藥石歟編當作砭余笑而不敢言凡例有云河  
間言暑火乃與仲景論風寒對講丹溪言陰虛乃與東  
垣論陽虛對講皆以補前人所未備非偏執也後人動  
議劉朱偏用寒涼矯以溫補立論過當遂開酷烈之門  
今日桂附之毒等於刀鋸夢瑤目覩其弊不得不救正  
其失初非偏執書中時出創解頗有裨於醫學

錢塘趙恕軒

學敏

串雅內外編皆走方術謂走方之藥

上行者曰頂多主吐下行者曰串多主瀉頂串而外則

曰截截絕也如絕害然此卽古汗吐下三法也又謂走  
方有三字訣一曰賤藥物不取貴也二曰驗下咽卽能  
去病也三曰傾山林僻邑倉卒卽有能守三字之訣使  
是能品其自序謂幼嗜岐黃家言性尤好奇聞走醫中  
有項串諸術操技神而奏效捷以此獲食其徒侶多動  
色相戒秘不輕授又多一知半解罕有貫通者以故欲  
宏覽而無由宗子柏雲挾是術且老矣戊寅航海歸質  
其道皆有與理顧其方旁涉元禁瑣及游戲未免誇新  
闢異爲國醫所不道因取其所授重加芟訂存其可濟  
於世合余平昔所錄奇方彙成一編名曰串雅不欲泯

其實也并矯奇而歸於雅使後之習是術者不致爲庸俗所詆忌云云然觀其所載多興陽之方大半熱藥如天雄附子草烏肉桂硫黃阿芙蓉淫羊霍鹿茸鱉甲等味用之必致爲害且導人以縱慾亦非大雅所當言也此書無一不好事者若以付梓當更爲芟訂庶幾盡善周氏友自書道光丁亥張丹崖鳳翔序刊近復刊入潘氏治山仙館叢書王孟英謂文理粗鄙詞義甚多誤信刊行坊間書士全視此書爲秘笈一實說理亦無獨有之處尤可怪也如有飲其性情蕩然者一假託一天師更列紅符散成此書者

當是陳達公之流而其學更不如達公乃女科書之  
下者

瘍醫大全搜羅浩富而不及瘍瘡

見今人門陳誠齋  
案瘍瘡出肘后

採入本草  
綱目

公峰說疫紀載一備而不及肉行

見古人門  
錢國賓治

案可見華少難而習醫者當博覽羣書不得拘守一  
家之言謂已盡能事也

無錫沈芊綠

金整

要藥分劑十卷準徐之才十劑分類

凡四百餘品皆尋常日用必需之藥故曰要藥其宣劑  
五靈脂註云寒號蟲四足有肉翅能飛但不甚遠此雖  
名蟲既能飛則屬鳥類矣從前本草書多列蟲部恐非

是今故次於禽鳥之例余按五靈脂白蟲部入禽部始  
於本草綱目豈沈未之見耶

會稽章虛谷

補

醫門棒喝謂春溫症以黃芩湯爲主方

必加柴胡葛根爲使以邪伏少陰乘少陽上升之氣而  
發鬱勃既多驟難宣達其火內潰或作暴瀉外灼則肢  
體疼痛上炎則頭痛喉痛故加柴胡達少陽之氣再加  
葛根入陽明而止渴解肌則汗泄而熱去或見其熱盛  
過投寒涼遏其欲出之勢熱反甚而難退矣竊思春溫  
由於冬不藏精熱邪既熾真陰必傷何得更以柴葛升  
提其陽重耗津液卽欲宣達加薄荷牛蒡子香豉等足

矣間有需柴葛者亦屬偶然不可云此症必加柴葛也  
景岳全書發揮世皆知爲葉天士之書按武進曹畸庵  
禾醫學讀書謂此書爲梁溪姚球所撰坊賈因書不售  
剗補桂名遂致吳中紙貴又謂陶氏全生集山陰劉大  
化所撰本草經解要醫效秘傳本事方釋義皆僞託葉  
氏余觀數書中景岳全書發揮爲最勝惟盡情斥詈之  
處有傷雅道知其非天士手筆也

昌邑黃坤載

元御

少耽典籍三十歲左目紅漚爲醫誤

治過服涼藥失明遂發憤習醫窮究義蘊著書甚富然  
渺視千古毀謗前人其作素靈微蘊謂仲景而後惟思



邈真人不失古聖之源其餘著作如林無一綫微通者  
驚悸之症在傷寒皆得之汗多陽亡惟少陽相火鬱發  
或以汗下傷陰甲木枯槁內賊戊土乃有小建中炙甘  
草證重用芍藥生地以清相火至於內傷虛勞驚悸不  
寐俱緣水寒土濕神魂不藏無相火上旺而宜清潤者  
卽偶有之而脾腎終是濕寒嚴用和質昧而造歸脾之  
方以補心血薛立齋又有丹 梔子加味之法張景岳  
趙養葵高鼓峰呂用晦更增地黃芍藥之輩復有無名  
下士作天王補心丹肆用一派陰涼羣兒醉夢不醒成  
此千秋殺運可恨極矣夜熱之症因陰旺濕土熱

降烈相失祖一火升泄錢仲陽乃作六味湯丸以滋陰  
虧薛氏維廣其義以治男女勞傷各種雜病張氏趙氏  
高氏呂氏祖述而發揚之遂成海內惡風致令生靈夭  
札死於地黃者最多其何忍乎下至二地二冬龜板黃  
柏諸法不可縷悉究其源流泄火之論發於河間補陰  
之說倡於丹溪二悍作俑羣凶助虐莫此爲甚足之三  
陽自頭走足凡胸脇壅滿上熱燔蒸皆足陽明少陽之  
不降也李東垣乃作補中益氣之方以升麻柴胡升膽  
胃之陽謬矣而當歸黃耆亦復支離無當風寒之症仲  
景之法備矣陶節庵作九味羌活之法雜亂無律而俗

予遵行天下同符云云黃著作繁富時扶精與惟所定  
諸方偏於扶陽遺精症謂土濕陽衰生氣不達乃用桂  
枝附子墮胎症謂命門陽敗腎水漸寒侮土滅火不生  
肝木木氣鬱陷而賊脾土乃用乾薑桂枝充其類將生  
人絕無陰虛火旺之症是徒知責人而不知責己矣  
餘杭稽留山石雲院微塵上人以其家傳經驗奇方濟  
世活人年老懼失傳悉付之梓名曰石雲選秘凡二卷  
書中有接骨神方用鬧楊花子燒酒浸一夜煮酒每服  
二分亦可蒸透晒乾爲末入虎骨五分早上服午間骨  
響接上神效余以庠說天台葉氏售跌打損傷藥致富

甚秘其方後爲傭工人竊得以傳乃用鬧楊花子置甕邊得煙氣薰蒸二三年後研爲末收藏勿洩氣每服二三分酒下治損傷立效但力猛不可多服石雲方正與此同

歸安汪氏涵暎筆花醫鏡謂陳鍾齡女科一卷悉從諸大家論說中斟酌盡善而出之字字毫髮無憾並無近時臨證指南等纖巧習氣故依治每收實功不知臨證指南雖成於葉氏之門人採錄尤繁誠爲可議然其審證立方實多可法可傳卽如女科之症必主奇經洵能獨出手眼遵而用之鮮不獲效程氏書豈能見及此耶

是故讀程氏書可與立不若讀葉氏書可與權也

秀水錢彥臞處士

經綸

居王江涇康熙間人也醫術精

覈有人仲冬病寒諸醫雜治不效獨處士言伏暑投青蒿一味而愈治病受值必視其貧富貧者常謝不受富人以厚幣遠來則又卻之且謝曰若幣重不難致他醫何必我我鄰里孤窮疾病者若而人待我診治安能舍之他適哉或道逢他方人問錢先生安在轍應曰死久矣用是名不出鄉里而貧亦如故故鄉人相信爲土地神歷百餘年未嘗替茲怪而不絕隱君予之有德於鄉間者其法須知三卷咸五

其同里計二田上舍

光所

爲鏡板以傳貽余讀之蓋

萃諸家之說而出之以精確非積學有得者不能也其  
問法要略一篇語約而意詳勝於張景岳之十問備識  
於此入國問俗入家問諱上堂問禮臨病問便頓之至  
也問男女老幼貴賤得病何日受病何從飲食便利情  
懷勞逸今昔何如曾服何藥日夜起居寤寐有無痰嗽  
嘔噎脹悶汗渴煩悸頭目耳鼻口咽喉胸脇腰背腹痛  
手掌冷熱喜惡寒熱膝痠足腫曾患何疾瘡傷中毒瘡  
血病久或汗下過傷所嗜何味何物或縱酒或長齋或  
房室或泄滑問婦女月水有孕果動否身婦室女氣血

凝滯兩尺多滑非胎也心腹痛當問新久懶言惟點頭  
中氣虛也昏憤不知人或暴厥或久病婦人僵厥多中  
氣宜辨之小便黃赤爲濕熱清之滲之小便色白無熱  
也不可治熱利則氣順澁則痰滯重墜牽掣爲虛煩悶拘  
急爲實喜熱惡利爲虛喜利惡熱爲實

嘉善名醫俞東扶先生

震

古今醫案按十卷乾隆四十

三年自序刊行其書選擇簡嚴論說精透可爲醫林圭  
臬惜坊間流傳甚少道光時重修嘉興府志方技門不  
爲先生立傳撰述志亦不載此書缺典也其書甚推尊  
葉氏所錄治案多臨證指南所未載卷三痢門有曰嘉

善一姬常便血時發時止  
外夏氏便血由裏寒  
後重時或不禁脈輒不數川  
建中韓氏因向守涼  
血藥仍以四物加槐榆查麴亦無效葉天士先生以生  
蒼朮生厚朴炒陳皮炙甘草雞內金砂仁殼丁香柄丸  
服全愈又有一童子久痢葉亦用此方全愈人不解其  
故震讀徐春圃醫統因見此方名薛鄉玉屑治小兒食  
瓜果致痢久不愈乃服先生之典博也云云余嘗以此  
方加車前子澤瀉治食傷水瀉亦多獲效

吳恕傷寒指掌十卷  
見殷方叔醫藏目錄  
皇甫中傷寒指掌十四卷  
見四庫全書醫家類存  
目二書皆少傳



本嘉慶初茗南吳坤安貞又著傷寒指掌四卷以南方近日之傷寒大半屬於溫熱治法與傷寒不侔傷寒入足經而溫邪兼入手經傷寒宜表而溫邪忌汗傷寒藥宜辛溫而溫邪藥宜辛涼苟不辨明必有誤治故其書既述六經本病而特參以溫熱立論兼及類傷寒之症先古法後新法條分縷晰既精且詳余從烏程邵謫人茂才楠借錄一部爲謫人之尊人仙根先生所評擇闡發曲暢令閱者心開目明仙根先生治病二十餘年屢拯危篤蓋得力於此書爲多

本朝醫學極盛醫書亦大備傷寒之書喻嘉言尚論篇柯

韻伯來蘇集王晉三古方選注俱獨出手眼直抉心源傷寒六

經兼諸症柯氏發其端溫熱等病究三焦葉氏宣其旨

若南吳坤安薈萃羣言勒為成書傷寒指掌而傷寒之學無

餘蘊矣雜病之書首稱葉天士臨證指南而張石頑醫通秦皇

士證因脈治次之他若吳鞠通之溫溫病條辨戴麟郊廣溫論劉松

峯松峯說疫余師愚疫症一得之疫吳師朗不居集之虛勞蕭慎齋

女科經緯沈堯峯女科輯要之女科程鳳雛之幼科慈幼筏葉大椿

之痘科痘學真傳顧澄江之外科瘍醫大全皆笑過前賢本草之

書劉若全本草述盧子孫本草雅牛倪純宇本草彙言張隱庵本草

崇張潞玉本經逢原鄒潤庵本經疏證趙恕軒本草綱目拾遺固不領異

原

標新足資玩索醫案之書魏王橫之博大

續名醫類案俞東

扶之精深

古今醫案按

顧曉園之靈巧

吳門治驗錄

並堪垂範來

世辨正之書徐靈胎之醫貫砭孔以立之醫門普度劉

松峯之溫疫論類編姚頤真之景岳全書發揮

坊賈似託葉天

士其實乃姚所撰也均可覺迷振憤單方之書毛達可之濟世養

生集便易經驗集亦為醫門珍笈其餘著述如林尙難

悉數有志於學者通

而又潛研諸家棄駁取純

融會而貫通之何患道之不明不行

高麗康

命吉

濟眾新編亦集眾書而成無不創解惟新

增管見一條論服人

一書語特補益足以言世

至數兩而死或至數劑而死死亦不悔醫者病者終不覺悟蓋病在陰分用熱藥熬盡其津液然後命盡故也如此死者頻頻見之

西國醫士合信氏西醫略論略內症而詳外症其割肉鋸骨等法皆中國醫人所不敢用者內治之法亦與中國異如治瘧用信石酒霍亂用雅片膏樟腦滾酒和服使中國醫人用之悖矣其診脈至數驗以時表取其旋運有準謂華人用鼻息呼吸恐有遲速長短不如時表

之準也

吳門顧松園

靖遠

少日有聲黉序後因父患熱病爲庸

醫投參附所殺于是發憤習醫寒暑靡間者閱三十年  
求治者踵相接曾供直

御醫院以親老歸苦醫鏡十六卷徐侍郎

秉義

爲之序

稱其簡而明約而該切於時用而必效非虛語也嘗治  
汪纘功患時感症兒症屬陽明因立白虎方每劑用石  
膏三兩二服熱症頓減郡中著名老醫謂徧身冷汗肢  
冷發呃非參附勿克回陽諸醫和之羣譁白虎再投必  
斃顧引仲景熱深厥亦深之文及嘉言陽症忽變陰厥

萬中無一之說諄諄力辨諸醫固執不從投參附回陽  
欬汗之劑汗益多而體益冷反詆白虎之害微陽脫在  
旦暮勢甚危舉家驚惶復來求診顧仍用白虎用石膏  
三兩大劑二服汗止身溫後仍用前湯加減數服全愈  
遂著辨治論以為溫熱病中宜用白虎湯

此說與余思  
愚疫症一得

相合學者當參觀之並不傷人以解世俗之惑顧有秘方載在醫

鏡一為治隔再造丹川黃連二兩去毛細切用水九碗  
煎至六碗又加六碗煎至

三碗下赤金一錠重二兩大田螺五十枚沖放盤中以  
紋銀一錠重二兩浸湯內黃連汁挑點螺眼中以

刻化為水用絹濾收萊菔子煎汁 韭菜汁 側柏葉汁 梨汁

竹瀝 童便各小人乳 羊乳 牛乳各一將黃連

水同金銀田螺汁煎至碗半次下萊菔汁煎至碗半次  
下韭汁次下側柏葉汁次下梨汁次下竹瀝次下童便  
俱以煎至半碗爲候將金銀取起下人乳煎次下羊乳  
次下牛乳俱以煎至一碗爲候成膏入磁罐內封口埋  
土內一夜每用一茶匙白滾湯下極重者三服全愈如  
湯水不能進者將膏挑置舌上隨津嚥服自能飲食然  
愈後須食糜粥一月方可用飯此方清火消痰去瘀滋  
陰養血潤燥得之何氏按京江何培元濟生方中有此方家傳謂能挽  
回垂危之症故以再造名之一爲治痧硫礬丸明礬硫

豆腐漿在砂罐內煮一晝

夜出

道仍入鹽藏火熬至乾燥貼入磁瓶里

地三三三日夜取出暴曬化紫金色最下一層有渣  
泥不用再將茯苓山藥各三兩同蒸晒露一宿酒炒當  
歸白茯苓各四兩烏藥半夏炒各三兩杏仁焙一兩半  
陳皮去白炒小茴香各一兩以上各藥共研細末棗泥  
爲丸清晨鹽湯下錢一臨臥白湯下錢一此方爲斷除痧根  
之神劑有人病痧十年或十日或一季半年時一舉發  
痛不可忍叫喊驚人甚卽暈去或用探吐或用醋炭薰  
搐略得解醒不能斷除後用此丸數服而病霍然如失  
此症深入骨髓百無一救幸得此方竟可起死回生且



余屢經試驗其效若神真千金不易之聖藥故亟爲表

示以公諸世願又有治虛勞方用生地熟地天冬麥冬

龜板桂圓玉竹茯苓人乳山藥吳醫集講乃屬之汪纘

功方中增入牛膝一味豈願著醫鏡一書爲汪氏所竊

取耶附誌於此俟後之君子詳考焉

醫鏡一書世無刊本其中自製方佳

者甚多己未歲從直隸李參軍晉恆假錄全部庚申杭州遇亂失去深可惋惜

咸豐戊午冬月吳曉鈺應京兆試歸寄我齊氏醫案六

卷乃四川敘州齊有堂

秉慧

所著自序作于嘉慶十一

年內有效方數則錄之救勞殺蟲丹驚甲一斤

酒醋浸透

苓五兩熟地山藥沙參地骨皮各一山萸肉八兩白芥子白

薇各五兩人參二兩鱧魚重一觔餘或二觔更好先將鱧魚爛和前

藥爲細末梗米飯碾成丸梧子大每夜五更時洗臉北

面向天念北斗呪北斗呪云療神療神害我生人吾七

遍卽以開水送丸五錢服畢南面吸生氣入腹中燒降

香置牀下午時又依前法吞服曾以此法治曹三思服

至半料蟲盡化水由小便下狀若稀糊半載而康連生

五子按仁齋直指勞瘵方有北斗呪其辭相同其藥神則異又有用天靈蓋并呪不若齊氏方之純正神

應散治時氣纏喉水藥不下牙關緊閉不省人事等症

余以此方活人甚多修合之佩以濟人德莫大焉用明

雄黃水飛枯礬煨研藜蘆生用牙皂炙等分爲末磁瓶收貯每

用豆大一粒吹入鼻內取嚏吐痰神效神仙通隘散治  
咽喉腫痛生瘡聲啞危急之甚并治虛勞聲嘶咽痛用  
硼砂兒茶青黛寒水石各一蒲黃牙硝枯礬川連黃柏  
各六分冰片潮腦各二分其研極細末磁瓶收貯每用吹鼻  
立效齊嘗出遊輿夫發痧昏暈欲絕倉卒無藥一老翁  
告曰可即透取烟管中油如豆大放舌下捧水飲之如  
法治之少頃輿夫起曰真靈丹也我病去如失矣乃擡  
齊回家老翁又言此法不特治痧尤能治毒蛇咬傷以  
烟管燒熟油出熱處立效後再試用果驗

有及通事者述之云奇多識有婦人患小腹中  
氣上不得臥百藥不效已骨立矣有吳人診之曰  
此乃經時不謹所致用白芍二兩香菌一兩猪外腎一  
對煎湯滑石白礬各五分共爲末以豆腐衣包之前湯  
送下下黑血甚多一劑而愈亦奇方也

龔首驤夫人病頭風已數年矣每發時痛欲死骨節間  
格格有聲已壞一目而痛不止延余診之定一方用酥  
炙龜板二錢麻黃藁本各一錢甘草五分後更爲定一  
方用何首烏苡仁牛膝令服二劑而愈

明末高郵袁體庵神醫也有舉子舉於鄉喜極發狂笑

不止求體庵診之驚曰疾不可爲矣不以句數矣宜急歸遲恐不及矣道過鎮江必更求何氏診之遂以一書寄何其人至鎮江而疾已愈以書致何何以書示之曰某公喜極而狂喜則心竅開張不可復合非藥石之所能治故以危言懼之以死令其憂愁抑鬱則心竅閉至鎮江當已愈矣其人乃北向再拜而去

太平崔默庵醫多神驗有一少年新娶未幾山痘徧身皆腫頭面如斗諸醫束手延默庵診之默庵診症苟不得其情必相對數日沈思反覆診視必得其因而後已診此少年時六脈平和惟稍虛耳驟不得其故時因肩

輿道遠腹餓卽在病者榻前進食見病者以手擘目觀其飲啖蓋目眶盡腫不可開合也問思食否曰甚思之奈爲醫者戒余勿食何崔曰此症何礙于食遂命之食飲啖甚健愈不解久之視其室中牀榻桌椅漆器薰人忽大悟曰余得之矣亟命別遷一室以螃蜉數觔生搗徧敷其身不一二日腫消痘現則極順之症也蓋其人爲漆所咬他醫皆不識云

新安程雲來<sup>甘</sup>博究羣書所著醫暇卮言乃深於格致之學者余尤愛其論夜臥一則有裨於養生錄之夜臥能使氣降晝臥能使氣升人至暮勞極眼白昏而帶赤

靜臥一宵詰朝對鏡清澈如故此氣降之驗也晝倦當  
靜坐片時或散步玩物睡愁自解若因而沈寢則初覺  
之時目白必赤此因臥而氣反升之驗也蓋晝當與陽  
俱開乃逆其候而閉之譬如夜當與陰俱閉乃故狂呼  
豪飲皆傷壽源古人云夙興夜寐出作入息天之命人  
之紀也愚一生勸人夙興不勸人夜坐

吳門朱東樵

鑰

有本草詩箋錢塘陸典三

文謨

亦有本

草詩而陸爲勝引亦較廣博藥各繫以七律凡五百  
三十四首錄其第一首人參詩云五葉三椹別標新黃  
參二葉味尤神

大

體

成地

應開

旨助  
須教  
真按人參功用固大誤服之害亦非細末  
句命意深矣

袁隨園所爲徐靈胎先生傳載治疰耕石疾閱之不甚  
了了近觀洄溪醫案乃始釋然醫案云蘆墟疰耕石暑  
熱壞症脈微欲絕遺尿諛語尋衣摸牀此陽越症將大  
汗出而脫卽以參附加童便飲之少甦而未識人也余  
以事往郡戒其家曰如醒而能言則來載我越三日來  
請亟往果生矣醫者謂前藥已效仍用前方煎成未飲  
余至曰陽已回火復熾陰欲竭矣附子入咽卽危命以



西瓜啖之病者大喜連日啖數枚更飲以清暑養胃而愈後來謝述昏迷所見一黑人立其前欲啖之卽寒令入骨一小兒以扇驅之曰汝不怕霹靂耶黑神曰熬爾三霹靂奈我何小兒曰再加十箇西瓜何如黑神惶恐而退余曰附子古名霹靂散果服三劑非西瓜則伏暑不消其言皆有證據亦奇事也